

中興禮書續編

中興禮書續編第七十二卷

凶禮三十八

永思陵三十八

小祥

淳熙十五年七月五日禮部太常寺言准批下禮寺  
申勘會將來十月八日高宗聖神武文憲孝皇帝小  
祥依禮例諸路州軍縣鎮等處小祥前後合禁屠宰  
三日民庶禁樂七日其禁屠宰合自十月七日至九  
日禁樂合自十月五日至十一日所有小祥日應官  
僚合於佛寺設位集僧道行香候令降指揮下日欲  
乞令都進奏院遍牒施行後批送下令重別契勘申  
尚書省照得高宗皇帝祔廟之後皇帝見服布素百

官未純吉服其臨安府城內外未曾開其樂諸州軍縣竊恐未敢用樂不必別設禁樂日限所有禁屠宰及官僚於佛寺設位集僧道行香自合令都進奏院遍牒施行詔依

九月十九日禮部太常寺言勘會十月八日高宗聖神武文憲孝皇帝小祥今叅酌禮例條具下項 一 小祥日欲乞依禮例車駕詣德壽宮高宗皇帝几筵前行祭奠之禮如宮中之儀 一 欲乞依禮例小祥前後各不視事三日并乞依故事隨不視事日分放臣僚見謝辭 一 小祥前欲乞依禮例命輔臣至六曹權侍郎以上官軍臣僚正任觀察使皇親選郡防禦使已上詣几筵殿奠酹三日止 一 小祥日欲

乞依禮例俟皇帝詣几筵殿行祭奠之禮畢次宰執  
率文武百僚詣几筵殿行燒香禮畢次移班進名奉  
慰皇太后皇帝皇后訖退 一欲乞小祥日除合從  
駕官并應奉官隨駕外其沿路逐幕次起居往回並  
免起居徑赴德壽宮門外以俟迎駕起居如值雨雷  
徑權免  
所有行禮畢車駕還內其從駕臣僚內管軍及應奉  
官欲乞免赴佛寺行香以俟從駕還內其餘文武百  
僚俟禮畢並赴仙林普濟院立班行香訖退仍乞是  
日百司作休務假一日 一合用御封降真香六合  
五合几筵殿一  
合仙林寺行香 一勘會依祖宗典故小祥前後行在  
民庶合禁音樂及禁屠宰所有今來民庶並未開樂  
外今欲乞依典故禁屠宰三日係小祥及前後各一

日一小祥日几筵殿皇帝行燒香禮并小祥并輔  
臣奠酌合用花瓶麻爐匙合炭火供養食茶湯酒果  
器皿蠟燭奠茶酒孟子鈔鐏盆臺燭臺湯瓶等乞令  
几筵欽奉所前期閱報所屬排辦所有應合用侍班  
幕次并用拜席褥乞令鸞儀司排辦施行 一小祥  
日文武百僚詣仙林普濟院行香所有合用高宗聖  
神武文憲皇孝帝牌位一座用朱漆雕造青地金字  
書寫并覆黃羅夾帊一條繫帶全并合用供養椅桌  
黃羅緣搭席座子卓圍帷次花瓶麻爐供養素食花  
果茶并茶盞託上香炭火奠孟子鈔鐏盆臺蠟燭燭  
臺湯瓶手爐并合差僧道及功德疏行香香圓子等  
并侍班幕次燈燭拜席褥并乞令臨安府同儀鸞司

前期計會太常寺製造排辦釘設施行仍乞令臨安府專一委員及差衙前管幹候行香畢所有位牌黃帊功德疏乞令臨安府委通判一員候行禮畢就本院內監視焚燒所有合用焚燒位牌等紙五十束並柴草各一束亦乞令臨安府所委衙前應辦施行

一前三日奠儀略其日早俟几筵殿排辦供養食香茶酒果等訖御史臺閣門太常寺分引輔臣并合赴奠酹官詣几筵殿下立班定禮直官揖躬拜在位官皆再拜訖禮直官引班首升殿詣几筵香案前播笏上香再上香三上香跪奠茶三奠酒執笏俛伏興降階復位立禮直官揖躬拜在位官皆再拜訖班退一小祥日燒香儀其日早俟皇帝詣几筵殿行祭奠禮

如宮中之儀畢次御史臺閣門太常寺分引文武百僚詣几筵殿內外立班定禮直官揖躬拜在位官皆再拜訖禮直官引班首升殿詣几筵香案前播笏上香再上香三上香跪執笏降階復位立禮直官揖躬拜在位官皆再拜訖次移班進名奉慰皇太后皇帝皇后訖退詣仙林普濟院行香如忌晨行香之儀訖班退詔依

二十五日禮部太常寺勘會已降指揮十月八日高宗聖神武文憲孝皇帝小祥車駕詣德壽宮高宗皇帝几筵前行祭奠之禮如宮中之儀欲俟禮畢次皇太子行燒香之禮如宮中之儀禮畢次執宰率文武百僚詣几筵殿行燒禮香如詔依

二十八日禮部太常寺言勘會已降指揮高宗聖神  
武大憲孝皇帝小祥依禮例小祥前後各不視事三  
日并依故事隨不視事分放臣僚見謝辭今檢照永  
定陵天聖元年正月十五日禮儀院言二月十九日  
小祥忌準禮例忌前後三日不視事照忌前後五日各  
日不視事臣僚朝見謝辭並權放所有今來十月八  
日高宗皇帝小祥欲乞依前項典故小祥前後五日  
不視事臣僚朝見謝辭並權放詔依



中興禮書續編第七十三卷

凶禮三十九

永思陵三十九

大祥一

淳熙十五年七月十四日禮部太常寺言準批下秘書省狀太史局申契勘高宗皇帝忌辰未審厯日內合與不合箋注後批送禮部太常寺勘當今檢照紹興三十年已降指揮顯仁皇后箋注立忌檢準紹興三年所降指揮昭慈聖獻皇后依國朝故事大祥後次年合箋注立忌所有將來高宗皇帝箋注立忌今勘當合依前項禮例於淳熙十七年厯日內箋注忌辰詔依

十六年六月三日禮部太常寺言勘會將來十月八日高宗聖神武文憲皇帝大祥今檢照典禮諸路州府軍監縣鎮合禁樂七日今來緣未曾開樂不必別設禁樂日限外依禮例合禁屠宰三日諸路州府軍監各就寺觀破依省錢請僧道三七人建道場七晝夜散<sup>花</sup>日設醮一座各拖看經施利錢三十貫道士少處只據人數設醮及依禮例大祥日應官僚合于佛寺設位集僧道行香具建道場合自十月五日至十一日禁屠宰合自十月七日至九日候今降指揮下日令都進奏院遍牒施行詔依

八月十一日禮部太常寺言勘會十月八日高宗聖神武文憲孝皇帝大祥今叅酌典禮條具下項一

檢照國朝典故天祥日除常祭外將靈座時前躬親  
扶護几筵東南別設一祭祝文如遺奠之意所有將  
來高宗皇帝大祥日于除几筵時前奏請至尊壽皇  
聖帝行祥祭之禮及躬親扶護几筵設祭行禮欲乞  
並依上件典故施行 一檢照國故朝典故天聖二  
年二月十一日入內供奉官羅崇勲言大祥日除皇  
帝祭奠外未見皇太后祭奠儀注詔以問禮院請俟  
皇帝祭奠徹饌訖別設香酒時果尚儀詣幄前奏請  
行禮所有將來高宗皇帝大祥日俟至尊壽皇聖帝  
詣几筵前行禮畢欲乞依典故令几筵欽奉所別設  
香茶酒果等奏請皇太后詣詣几筵前行禮 一勘  
會將來高宗皇帝大祥日車駕合詣几筵行祭奠之

禮欲乞是日俟皇太后行禮畢奏請皇帝行祭奠之  
禮 一恭觀見今每遇車駕詣高宗皇帝几筵殿燒  
香係易忌日之服所有是日皇帝詣高宗皇帝几筵  
行祭奠之禮易忌日之服伏乞朝廷敷奏取旨施行  
詔依

十二日禮部太常寺言勘會十月八日高宗聖神武  
文憲孝皇帝大祥并禪祭日所服今檢照典禮條具  
下項 一檢照紹興八年十二月十七日禮部太常  
寺言將來正月二十五日徽宗皇帝大祥依永定陵  
故事大祥日釋衰服服祥服係服軟縠紗軟脚襪頭  
白羅袍黑銀帶至禪祭日釋祥服服禪服係服素紗  
軟脚襪頭淺色黃羅袍黑銀帶所有今來高宗皇帝

大祥日禫祭日至尊壽皇聖帝所服欲乞依上件典禮施行 一檢照徽宗皇帝大祥禮行禮日皇帝自內服衰服出至幄舉哭俟哭止釋衰服服祥服以俟行禮以至禫祭日皇帝自內服祥服出至幄舉哭俟哭止釋祥服服禫服以俟行禮所有今來高宗皇帝大祥日至尊壽皇聖帝服衰服至幄釋衰服服祥服行禮并禫祭日服祥服至幄釋祥服服禫服行禮等欲乞並依前項禮例施行其合用祥服禫服乞依禮例下工部指揮文思院計會重華制造送納 一檢照國朝天聖二年正月十六日太常禮院言按禮祭服弊則焚之衰裳亦當宜焚也今既大祥日皇帝皇太后真宗內六宮人衰裳經杖並焚之及紹興八年

十二月二十七日禮部太常寺言徽宗皇帝大祥至日俟釋服訖所有哀服依故例差內侍官一員拘收于利方監視焚燒所有今來高宗皇帝大祥日壽聖皇太后至尊壽皇聖帝壽成皇后並高宗皇帝几筵殿官人所服哀服欲乞依前項禮例差官于利方監視焚燒詔依

二十三日禮部太常寺言勘會十月八日高宗聖神武文憲孝皇帝大祥今叅酌典禮條具下項 一檢照國朝祖宗大祥日前後殿不視事典故于大祥前後或各三日或各五日勘會將來十月八日高宗皇帝大祥係至尊壽皇聖帝行祥祭之禮及躬親扶護几筵設祭行禮皇帝行祭奠之禮所有皇帝不視事

日分即與典故禮例不同其大祥前五日係輔臣等詣几筵殿奠酌日分今欲乞自大祥前五日皇帝前後殿不視事所有大祥後欲乞三日不視事并乞依故事隨不視事日放臣僚見謝辭 一檢會國朝典故大祥月百官起居權羅罷舞蹈所有將來今大祥今欲乞依前項典故自十月一日權罷舞至月終

一檢照國朝典故禮例大祥日羣臣進名奉慰訖退赴佛寺行香今欲乞依典禮施行所有大祥日行禮奉慰畢車駕還內其從駕臣僚內管軍及應奉官俟奉慰畢欲乞免赴佛寺行香以俟從駕還內其餘文武百僚俟奉慰畢並赴仙林普濟院以俟立班行香如忌辰儀訖換吉帶退仍乞是日百司並作休務假

一日 一檢會國朝典故大祥日几筵殿除靈座並  
時前禮儀使先行奏告之禮及大祥後間月擇日行  
禫祭合羞都大主管官一員主管一行務事務乞依  
例降飭差人入內內侍省省官充其所差禮儀使依  
例太常寺前期申請降勅差官施行詔依

二十九日禮部太常寺言勘會十月八日高宗聖神  
武文憲孝皇帝太祥今叅酌典禮條具下項 一檢  
會國朝永昭陵故事三月二十九日大祥自三月二  
十四日輔臣待詔制以上管軍臣僚遙郡觀使皇親  
遙郡防禦使以上奠于福寧殿自是日一奠至二十  
八日羣臣皆入奠及徽宗皇宗大祥禮例應宗室南  
班官並許赴並檢照高宗皇帝小祥前命輔臣至



六曹權侍郎以上入奠所有將來十月八日大祥欲  
乞依前項典故禮例自十月三日命輔臣至六曹權  
侍郎以上管軍臣僚郡觀察使應宗室之南班官詣  
高宗几筵殿奠酌自是日一奠至十月七日羣臣皆  
入奠仍乞于羣臣入奠日依故事到闕未見遷官未  
謝已辭未登並聽隨班入班仍于前項奠酌日應奠  
酌官詣幕次並常服黑帶去魚立班奠酌畢歸幕次  
換吉帶退 一檢會國朝典故大祥前後京城民庶  
合禁音樂及禁屠宰所有將來民庶並無開樂外今  
欲乞依典故禁屠宰一十二日係自十月二日至十  
月十三日 一檢會國朝典故大祥前後停法大辟  
一十二日所有將來大祥今欲乞依典故自十月二

日行在停決大辟至十月十三日 一依禮例大祥

日合設獄一日今欲乞依禮例施行所有合排辦事

件欲乞令入內侍省報大理寺臨安府排辦其監

散設獄官依例令御藥院差官施行 一檢會國朝

故事大間祥後間月擇日行禪祭至晦日而除改朔

從吉今欲乞依上件故事于十二月擇日禪祭十二

月晦日而除至來年正月一日從吉乞下大史局于

十二月內擇禪祭日分申太常寺申請朝廷取旨施

行 一合用御封降真香六合內五合輔臣羣臣奠

香所有十月三日至十月七日奠醑各合用花瓶麻

爐匙合炭火供養食茶酒果器皿蠟燭奠茶酒孟子

鈔鐸盆臺湯瓶等乞依例令几筵欽奉所前期閔報

本殿排辦其應合用侍班幕次并拜席褥等乞令儀  
鸞司臨府排辦施行去一依禮例行香合用高宗聖  
神武文憲孝皇帝位牌一座用朱漆彫造青地金字  
書寫并盡覆黃羅夾帊一條繫帶全并合用供養椅  
卓黃羅緣搭席座子卓圍幄次花瓶麻爐供養素食  
花果花并花茶盞托上香炭火奠茶孟子鈔鐸盆臺  
燭臺蠟燭湯瓶手爐并合差僧道及功德疏行香香  
圓子等并侍班幕次炭火拜席褥並乞依昨小祥例  
令臨安府同儀鸞司前期會太常寺製造排辦釘設  
施行仍令臨安府專委官及差衙前營幹候行香畢  
其功德疏文乞令臨安府委通判一員就仙林寺內  
用紙三十束監視焚燒令所差衙前排辦所有位牌

并黃帔等本府權行如法收奉候禪祭并禪除行香  
用畢令本府所委官監視焚燒 一輔臣以下奠酌  
儀其日早應合赴立班官並常服黑帶去魚俟几筵  
殿排辦供養香茶食酒果等訖御史臺閤門太常寺  
報班引詣几筵殿下北向立班定禮直官揖躬拜在  
位官皆再拜訖禮直官引班首升殿詣几筵香案前  
拈筭上香再上香三上香跪奠茶三奠酒執筭俛伏  
興降階復位立禮直官揖躬拜在位官皆再拜訖退  
班十月七日羣臣皆入奠其立班官欲乞一勘會將  
隨宜于几筵殿下并殿外兩廊立班來焚几筵利方依例下太史局差人指定供報都大  
主管所取旨施行詔依

同日又言勘會十月八日高宗聖神武文憲孝皇帝

大祥今泰酌典禮其下項 一檢照國朝典禮大祥  
日焚几筵畢羣臣常服黑帶奉慰及紹興九年正月  
二十五日徽宗皇帝大祥合赴几筵殿奠酹及奉慰  
立班官俟至殿門外幕次並權易皂帶佩魚立班訖  
歸幕次換吉服退所有將來高宗皇帝大祥欲乞依  
典禮俟焚几筵畢宰執文武百僚就幕次權易黑帶  
詣重華宮立班進名奉慰皇太后次進名奉慰至尊  
壽皇聖帝壽成皇后皇帝皇后訖退 一勘會已降  
指揮高宗皇帝大祥日車駕詣几筵殿行奠祭禮易  
忌日之服今照得前項奠酹奉慰禮例文武百僚合  
至殿門外幕次權易黑帶所有是日從駕臣僚係隨  
從車駕今欲乞至日從駕臣僚並吉服從駕及沿路

逐幕次起居官往回並免起居並吉服徑赴重華宮  
門外迎駕起居訖如值雨霑權免以俟易黑帶進名奉慰  
立班詔依

九月一日大祥除几筵禱祭都大主管所言據主管  
諸司申判太史局吳澤等狀契勘將來除几筵已選  
定九月六日下手修砌焚几筵博窻殿予一座依故  
例合奏告五方五帝太歲以下諸神排辦物色黃紙  
神位牌套子二十四箇黃紙二十四束白紙二十四  
束雲馬二十四匹馳馬二十四匹香半斤茶酒果各  
一分共二十四分鎮壇五方絲一十五匹其絹顏色  
合用緋黃皂白青各三匹鎮壇錢一十五貫淨水銀  
梳五隻每隻重三兩淨席五領淨衣一套所有壓祭

錢綵銀枕等事畢依禮給賜剋擇禮直官契勘依故  
故例鎮壇錢綵銀枕係戶部下所屬支給其餘物色  
並係臨安府排辦應副詔依

十六日禮部太常寺言勘會十月八日高宗聖神武  
丈憲孝皇帝大祥是日皇帝行祭奠之禮今泰酌比  
附下項 一合用御封降真香一合 一合用花瓶  
麻爐匙合炭火供養食茶湯酒果器皿蠟燭奠茶酒  
孟子鈔鐏盆臺燭臺等並乞令几筵提舉欽奉所前  
期閱報所屬排辦施行 一奏請前導太常卿替員  
贊引太常卿太常博士一員依禮例輪太常寺官充  
一合差捲簾侍香供進茶酒等內侍官乞下入內  
內侍省差官詔依

同日又言勘會十月八日高宗聖神武文憲孝皇帝

大祥除几筵時前禮儀使先行奏告之禮今泰酌比

附下項

一合用祝文一首

禮儀使大祥除几筵時前

意

一合用御封降真香三合

一合差讀祝文官

一員乞例于郎官內差官充

依

一禮儀使前一日早

晚上香并時前奏告行禮合用供養牙盤食茶酒果

上香炭火乞下諸司排辦其禮畢掌管焚祝文乞從

几筵欽奉所指揮下本殿預先排辦施行 一禮儀

使讀祝文官並合用前一日宿齋禮儀使于都堂宿

齋至日免赴從駕徑赴几筵殿行禮內讀文官于本

司宿齋 一行祥祭禮時前先行奏告禮其太常寺

祇應人合于行禮時前預行鋪設排辦合來若俟開



門詣几筵殿排設委是排辦不及欲乞令都大主管  
所關報經由至几筵殿門戶至日並比常日早三刻  
開門放令祇應人齋合排辦物件入詣几筵殿排辦  
鋪設祇應免致臨期闕悞 一今來除几筵時前奏  
告并前一日早晚上香禮儀使以下行事官并祇應  
人經由几筵殿入出門戶乞令太常寺開具的確人  
數保明關報几筵提舉欽奉所照會至日放令入出  
施行 一奏告前一日早晚上香合用木炭蠟燭燎  
草乞下臨安府差衙前排辦計會主管諸司送納詔  
依

中興禮書續編第七十四卷

凶禮四十

永思陵四十

大祥二

淳熙十六年九月六日禮部太常寺言勘會十月八日高宗聖神武文憲孝皇帝大祥依國朝典故是日至尊壽皇聖帝行祥祭之禮今參酌條具下項

一合用祝文一首

述以大祥祭奠之意

一合用御封降真香

一合一奏請皇太后詩几筵行禮合用御封降香

一合一合用幣帛一段

長以犬八尺小尺以黹白纁

帨巾拭爵

巾各一條

各長一丈八尺以黹白纁

乞令戶部指揮左藏庫支

供一合用差進幣爵酒官一員酌酒官一員乞降

勅差六曹郎官充并合差讀祝文官一員乞降勅差  
史官充 一奏請前導太常卿一員贊引太常卿太  
常博士一員依禮例輪太常寺官充 一大祥并躬  
親扶護几筵行禮依禮例親王宗室使相南班宗室  
陪位 一合差捲簾侍供香供進盤匝帨巾捧爵幣  
等內侍官並乞下入內侍省差官 一進幣爵酒  
官酌酒官讀祝文官前導太常卿贊引太常卿太常  
卿博士並各前一日宿齋於本司陪位親王宗室相  
南班宗室並各前一日宿齋於宗學及踏逐寺院內  
親王於本廳宿齋所有逐官宿齋去處合用幕次倚  
卓什物燈燭炭火等並乞令臨安府同儀鸞司排辦  
施行 一合於几筵殿側設御幄二座於簾黃幕釘

設及合用黃羅拜褥并奏請紫褥並乞下儀鸞司預  
行計置排辦釘設至日供應 一合用香爐匙合上  
香炭火及禮畢掌筭焚祝幣煥草火燭等並乞從几  
筵提舉欽奉所行下本殿預行排辦施行 一合用  
牲牢羊豕各一口乞依例下臨安府預行收買赴牛  
羊入滌養餵至時差宰牛手工匠手分等祇應其饌  
造神食工匠乞下御厨差撥祇應 一合用宰殺羊  
豕及饌造神食屋宇及合用鍋竈什物等乞令臨安  
府依例踏逐去處釘設排辦所有安奉御香祝禮料  
酒齋等宿齋幕次欲乞依例於傳法寺釘設施行  
一合用供進盥洗盤匱并藉祭器牙床二張乞令工  
部下文思院製造赴太常寺供應 一合用禮料酒

齋蠟燭燎草藉祭器席等乞從太常寺依例具數報  
臨安府排辦 一將來大祥行禮日竊慮不測值兩  
所有几筵殿前合用露屋欲乞下臨安府同儀鸞司  
計會所屬預先紱傳釘設排辦施行 一所有合用  
禮料祭器牙床并祗應人及般擎祭器等兵士乞從  
太常寺依例具合用數并人姓名關報所屬照會至  
日放令人出排辦施行 一合用擡擎祭器禮料兵  
級一十五人節級一名乞下殿前司差撥詔依  
同日又言勘會十月八日高宗聖神武文憲孝皇帝  
大祥是日除九筵依禮例至尊壽皇聖帝躬親扶護  
几筵東南別設一祭祝文如遣奠之意今泰酌比附  
下項 一合用祝文一首

述以除几筵設祭如遣奠之意一合用御

封降真香一合

一合用幣帛一段

長一丈八尺小尺以繫白絹充

乞下戶部指揮左藏庫支供

一合進幣爵酒官一

員酌酒官一員乞降勅差郎官充并合差讀祝文官

一員乞降勅差史官充

一奏請前導太常卿一員

贊引太常卿太常博士一員依禮例輪太常寺官充

一合差捲簾侍香供進盤匝悅巾捧爵幣祝版執

燭受爵幣等內侍官乞下入內侍省差官

一合

差扶護几筵內侍官四員乞下入內侍侍省差官

一合用香爐匙合上香炭火及禮畢掌管焚祝幣火

燭及燎草等並乞令几筵欽奉所行下本殿預行排

辦施行

一合用牲牢羊豕各一口乞依例下臨安

府預先收買赴牛羊司入滌養餵至時差宰手手分

等祇應其饌造神食工匠乞下御厨差撥祇應 一  
合用禮料酒齋蠟燭燎草藉祭器席等乞從太常寺  
具合用數報臨安府應副 一合用焚几筵時刻指  
引利方定時刻擇官乞下太史局差撥祇應 一合  
用焚几筵筵塼窰子乞下修內司計會指引利方刻  
擇官指引修砌 一合差焚几筵舉火內侍官一員  
乞合都大主管所差官其合用火燭柴草依例令諸  
司排辦施行 一焚几筵合用禁衛班真親從官等  
及僧道於殿門外排立以俟迎引至焚几筵處所有  
禁衛等乞下禁衛所相度差撥其裝著依禮例權服  
紫衫黃帶子所有僧道依例各合差五十人乞令臨  
安府行下僧道正司差撥施行其所差禁衛及僧道

依例禮例前一日絕早赴几筵殿更互排立遇夜約  
出一合用几筵乘座輦輿并擡擎輦官權服緋紫  
衫黃帶子乞下御輦院差撥內輦輿令所差輦官計  
會本殿排辦施行 一合用繖扇從物等乞令所差  
禁衛輦官計會本殿見管名件執打施行詔依  
同日大祥除几筵禪祭都大主管所言據判太史局  
吳澤等狀勘會將來十月八日焚几筵宜用當日卯  
時八刻後乙時吉即與國音別無妨礙詔依

二日十三日禮部太常寺言勘會十月八日高宗聖  
神武文憲孝皇帝大祥除几筵時前行奏告之禮并  
大祥日至尊壽皇聖帝行祥祭禮除几筵東南別設  
一祭及禪祭行禮依禮例合差禮儀使一員以宰臣



充各前日於都堂宿齋詔依

十月一日禮部言准批下太常寺申學士院詔報當  
院近準省劄今來十月八日高宗皇帝大祥除几筵  
至尊壽皇聖帝躬親扶護几筵祝文一首并高宗皇  
帝大祥至尊壽皇聖帝行祥祭禮祝文一首未審祝  
文前各作如何稱呼欲望朝廷劄下太常寺指定以  
憑撰述候指揮劄付太常寺從學士院諮報到事理  
施行今檢照太常因革禮端拱元年八月二日吏部  
侍郎兼祕書監李至至言著作局撰宗廟并諸祠祝  
文皆以尊號冠皇帝上伏尋此禮自唐開元以來有  
之議者不以為宜王涇郊祀錄棄而不載至會昌中  
有司奏宗廟祝文應稱嗣皇帝於時博士同考禮經

遂為定制是祝文不著尊號舊矣竊惟尊號之稱興  
於近世蓋下之歸美於上上不得已而受之然則形  
容尊顯示之臣庶可矣非所以自謂于祖宗之前也  
古者孤寡不穀國君之謙稱答隣國對陪臣皆得通  
焉若謙稱得通于臨下則尊號不容施于奉上臣愚  
以為告饗宗廟當上稱嗣皇帝他祠稱皇帝為得禮  
詔可本寺今勘會依上件典禮尊號雖稱於祖宗之  
前又於典故別無該載所有今來至尊壽皇帝行禮  
祝文稱呼今叅酌欲乞稱孝子臣御名伏乞朝廷詳  
酌指揮施行後批送禮部詳酌申尚書省本部令詳  
酌欲從太常寺所申事禮理伏乞朝廷速賜指揮剴  
下學士院照會施行詔恭依

六日內侍郎安祖傳宣閣門已降指揮今月八日高

宗皇帝大祥除几筵車駕詣几筵前行祭奠禮應在

內諸門並比常早二刻開可改作早三刻開會要十

月十九日詔已除高宗皇帝几筵欽奉所官吏請色

祇應人各特與轉行一官資礙止法人願回授者聽

合寄資使人依舊寄資白身人吏候有外張宗尹開禮

官資收使內提舉官甘昇乞不推恩外張宗尹開禮

張延禮並特與階官上轉行王珙特與祖盧安仁王公昌

何致並特與階官上轉行王珙特與祖盧安仁王公昌

既而臣僚言竊見今年三月內因臣僚論列乞檢照

來橫行遜鄰正任等官違轉太遲為非舊制乞檢照

紹興三十一年申請看詳事理轉明示遵守續奉聖上

特與今遵依施行自是之復遷轉有礙者有司或於

引執奏或援馮繳駁屢蒙睿斷倘從並令回授迄今

朱高宗祥除欽奉官吏理宜推恩若其內有礙止法

者亦宜回授庶于近降指揮不相違戾又于已回授

人亦不宜異同則思貴法令並行而不相悖此乃聖朝

清明之政也臣請以今降指揮近以施行者奉照而

論之數內階官上與轉行三者人張延禮係武恭功郎

張宗尹開禮已係左武大夫此猶可使尚可以轉行與

轉行者四人惟王公昌為追郡國隸使尚可以轉行與

一階如劉興祖慶安仁何強則皆為廷郡親察使既  
 止郭果皆以思賞不得轉途郡觀察已回授元  
 于達郭承宣使手在法自遠制以上率用十年磨  
 轉至達郡防官可選堂容止正謂此月若王珙一武  
 夫尚存階官推思帶行刺史有司申明遂與轉階官  
 內侍鄧琬以推思帶行刺史有司申明遂與轉階官  
 在法武功大推思帶行刺史有司申明遂與轉階官  
 刺比日又各以國珍責如李思遷孝如彭果授如田  
 是武功大各以國珍責如李思遷孝如彭果授如田  
 欲以武義大夫各以國珍責如李思遷孝如彭果授  
 則足分人惟信則足以此數人者何天近已施事惟  
 一並與回授王琪內帶劉興祖慶安仁何強則皆為  
 官與回授王琪內帶劉興祖慶安仁何強則皆為  
 庶幾思賞法令並行而不相悖矣所與錄黃臣未敢  
 書讀詔劉興祖令回授盧安仁何強則皆為  
 行上轉

祥祭行禮儀

其日風興太常入陳祭器供設禮饌几筵殿禁衛僧  
 道于殿門外排立次引進幣爵酒讀祝文酌酒官入

殿及執燭等官並先升殿各就位立定次行禮儀使

陪位官親王宗室使相南班宗室各入就位禮儀使前導執

事陪位官供進盤盃等內侍官及侍衛之官常服黑帶去魚次禮直官太常博士

太常卿于至尊壽皇聖帝幄前立定俟至尊壽皇聖

帝自官服衰服詣几筵殿側御幄簾降至尊壽皇聖

帝釋衰服服祥服訖次禮直官太常博士引太常卿

當幄前俛伏跪奏稱太常卿臣某言詣至尊壽皇聖

帝為高宗聖神武文憲孝皇帝大祥行祥祭之禮奏

訖俛伏興退復位簾捲前導官前導至尊壽皇聖帝

出幄舉哭皆在位官詣殿上褥位西向立奏請拜至尊

壽皇聖帝再拜在位官皆再拜訖內侍進盤各執盤

匝悅巾以進奏請至尊壽皇聖帝盥手內侍進盤匝

沃水至尊壽皇聖帝盥手內侍進巾奏請悅手至尊  
壽皇聖帝悅手訖內侍進爵沃水奏請至尊壽皇聖  
帝洗爵內侍進巾奏請拭爵至尊壽皇聖帝拭爵訖  
前導官前導至尊壽皇聖帝詣高宗聖神武文憲孝  
皇帝几筵前褥位立奏請跪上香再上香三上香進  
幣爵酒官搢笏跪先進幣次進爵酒又奏請受幣奠  
幣執爵三祭酒於茅苴奠爵俛伏興奏請少立哭止  
在位官皆哭止讀祝文官搢笏跪讀祝文訖奏請拜至尊壽  
皇聖帝再拜在位官皆再拜訖前導官前導至尊  
壽皇聖帝還褥位西向立奏請拜至尊壽皇聖帝再  
拜在位官皆再拜訖前導官前導至尊壽皇聖帝歸  
幄簾降次禮直官太常博士引太常卿當幄前俛伏

跪奏稱太常卿臣某言禮畢奏訖俛伏興退復位前導陪位等官並權退次引禮儀使執事官詣望燎位立俟焚燎祝幣訖權退太常徹祭器禮饌訖俟几筵欽奉所別設香茶酒果等訖慈福宮提舉官奏請皇太后行禮畢退次又設香茶酒果等以俟皇帝行祭奠之禮如別儀

### 皇帝行祭奠禮儀

其日文武百僚不係從駕者並先赴重華宮門外以俟迎駕起居其日應在內諸門欲乞並比常早三刻開皇帝服忌日之服御後殿從駕臣僚禁衛起居如常儀

從駕臣僚禁衛等並吉服從駕往回內有合赴几筵殿立班

皇帝降御座乘輦將至重華宮文武百僚迎駕兩拜

起居訖權退歸幕次換常服黑帶去魚以俟奉慰立

班

如值雨當  
退見起居

皇帝至重華宮降輦入詣高宗皇帝几

筵殿側御帳簾降俟至尊壽皇聖帝行祥祭禮畢及

皇太后行禮畢退別設香茶酒果等訖次引供祠執

事內侍官先升殿各就位立定次禮直官太常博士

太常卿於皇帝幄前立定次引禮儀使陪立官親王

宗室使相南班宗室各入就位次禮直官太常博士

引太常卿當幄前俛伏跪奏稱太常卿臣某言請皇

帝為高宗聖神武文憲孝皇帝大祥行祭奠之禮奏

訖俛伏興退復位簾捲前導前導皇帝出幄詣殿上

褥位西向立奏請拜皇帝再拜在位官皆再拜訖前

導官前導皇帝詣高宗聖神武文憲孝皇帝几筵香



案前褥位立奏請上香再上香三上香內侍以茶酒跪進又奏請跪奠茶三奠酒俛伏興又奏請拜皇帝再拜在位官皆再拜前導官前導皇帝還褥位西向立奏請拜皇帝再拜在位官皆再拜訖前導官前導皇帝歸幄簾降次禮直官太常博士引太常卿當幄前俛伏跪奏稱太常卿臣某言禮畢奏訖俛伏興退復位立禮儀使前導陪位等官並權退以俟至尊壽皇聖帝行除几筵之禮如別儀訖皇帝還內如來儀除几筵行禮儀

其日焚几筵時前俛行祥祭禮畢及皇太后皇帝行禮畢次禮直官太常博士太常卿於卿當幄前俛伏跪奏稱太常卿臣某言請至尊壽皇聖帝躬親扶護

几筵奏訖俛伏興退復位簾捲前導官前導至尊壽

皇聖帝出幄詣殿上褥位西向立奏請拜至尊壽皇

聖帝再拜舉哭前導官前導至尊壽皇聖帝躬親扶

護神御

內侍分左  
右扶護

至東南權安奉訖哭止前導官前

導至尊壽皇聖帝歸幄簾降前導官于幄前立定次

太常入陳祭器供設禮饌訖次引進幣爵酒讀祝文

祝酒官執燭等官先升殿各就位立定次引禮儀使

陪臣官親王宗室使相南班宗室各就位次禮直官

太常博士引太常卿當幄前俛伏跪奏稱太常卿臣

某言請至尊壽皇聖帝為高宗聖神武文憲孝皇帝

大祥除几筵行祭奠之禮奏訖俛伏興退復位簾

捲前導官前導至尊壽皇聖帝出幄舉哭

在位官  
皆舉哭詣

殿上褥位西向立奉請拜至尊壽皇聖帝再拜在位  
官皆再拜訖內侍各執盤匱帨巾以進奏請至尊壽  
皇聖帝盥手內侍進盤匱沃手水至尊壽皇聖帝盥  
手內侍進巾奏請帨手至尊壽皇聖帝帨手訖內侍  
進爵奏沃水奏請至尊壽皇聖帝洗爵內侍進巾奏  
請拭爵至尊壽皇聖帝拭爵訖前導官前導至尊壽  
皇聖帝詣高宗聖神武文憲孝皇帝几筵前褥位立  
奏請跪上香再上香三上香進幣爵酒官搢笏跪先  
進幣次進爵酒又奏請受幣奠幣執爵三祭酒於茅  
苴奠爵俛伏興奏請少立哭止在位官皆哭止讀祝文官搢  
笏跪讀祝文訖奏請拜至尊壽皇聖帝再拜在位官  
皆再拜訖前導官前導至尊壽皇聖帝還褥位西向

立奏請拜至尊壽皇聖帝再拜在位官皆再拜訖前導官前導至尊壽皇聖帝歸帳簾降次禮直官太常博士引太常卿當帳前俛伏跪奏稱太常卿臣某言禮畢奏訖俛伏興退復位簾捲至尊壽皇聖帝出帳還宮前導陪位官退次引禮儀使執事官詣望燎位立俟焚祝幣訖退次引親王宗室使相南班宗室詣殿下分左右立次引禮儀使升詣几筵前俛伏跪奏稱禮儀使臣某言請高宗聖神武文憲孝皇帝几筵降座升輦輿奏訖俛伏興少退東向立內侍扶護几筵升輦輿輦官捧擎進行親王宗室使相南班宗室分左右導引禁衛援衛及僧道作法事迎引禮儀使後從至焚几筵處俟輦輿過退有司俟時焚訖並退

中興禮書續編第七十五卷

凶禮四十一

永思陵四十一

禪祭

淳熙十六年十月三日禮部太常寺言據太史局申禪祭日宜用十二月十七日壬寅吉即與國音別無妨礙詔依

十一月二十三日禮部太常寺言勘會已降指揮高宗聖神武文憲孝皇帝大祥後間月擇日至尊壽皇聖帝親行禪祭之禮今參酌比附下項一禪祭日欲乞依大祥禮例俟至尊壽皇聖帝詣高宗聖神武文憲孝皇帝神位前行香畢皇太后行燒香禮俟行

禮畢皇帝行燒香禮並如宮中之儀所有合用茶酒  
果等欲乞令禪祭主管諸司排辦施行 一檢會國  
朝典禮行禪祭禮日前後各一日不坐其日不視事  
今欲乞依上件禮例施行 一行禮日依禮例親王  
宗室使相南班宗室陪位 一檢照紹興九年徽宗  
皇帝禪祭禮例行禪祭禮係除几筵之後其禮儀使  
并行事前導陪位官供執事內侍及扈從官依禮例  
並合常服紅鞋帶立班行事所有今來高宗聖神武  
文憲孝皇帝禪祭係除几筵之後其禮儀使并行事  
前導陪位官供祠執事內侍官及扈從官欲乞依前  
項禮例並常服紅鞋帶立班內有佩魚者依舊行事 一檢  
會國朝典禮禪祭日羣臣進名奉慰所有今來高宗

聖神武文憲孝皇帝禪祭日欲乞依典禮俟行禮畢  
率宰執文武百僚并常服入詣重華宮立班進名奉  
慰皇太后至尊壽皇聖帝壽成皇后皇帝皇后訖退  
赴仙林普濟院以俟立班行香如忌辰儀訖退仍乞  
是日百司並作休務假一日 一是日車駕詣高宗  
聖神武文憲孝皇帝神位前行燒香禮欲乞沿路逐  
幕次起居官往回並免起居徑起赴重華宮門外迎  
駕起居訖如值雨霽俟立班進名奉慰畢車駕還內  
其從駕臣僚內官軍及應奉官欲乞免赴佛寺行香  
以俟從駕還內 一合差進幣爵酒官一員酌酒官  
一員乞降勅差郎官充并合差讀祝文官一員乞降  
勅差史官充 一奏請前導太常卿一員贊引太常

卿太常博士一員依禮例輪太常寺官充一一禪祭

行禮合用御封降直香一合所有皇太后皇帝行燒

香禮合用御封降直香二合一合用祝文一首以迷

行禪祭禮之意一合用幣帛一段長一丈八尺小以斐白絹充乞令戶

部指揮左藏庫支供一合于行禮殿側設御幄二

座施簾並用黃幕釘設及合用黃羅拜褥并奏請紫

褥並乞下儀鸞司排辦釘設施行一行禮日合用

高宗聖神武文憲孝皇帝位牌一座乞指揮下臨安

府預先用朱漆雕造青地金字書寫用黃羅夾帊繫

帶製造訖前二日付禪祭都大主官所送納行下諸

司收奉候禮畢令臨安府排辦辦白紙三十束并柴

草各一束隨位牌祝版令禪祭諸司掌管焚燒施行



并依禮例合于舊几筵殿設位及合用香案御倚子一隻倚背座子脚踏子全花瓶麻爐匙合蠟燭臺等乞令禪祭都大主管所行下諸司關報所屬排辦施行 一合用牲牢羊豕各一口乞依例下臨安府預先收買赴牛羊司入滌養餵前一日差宰手工匠手等祇應其饌造神食工匠乞下御厨差撥祇應一合用宰殺羊豕及饌造神食屋宇及合用鍋灶什物等乞令臨安府依例踏逐去處釘設排辦所有安奉御封香祝禮料酒齋等宿齋幕次欲依例於傳法寺釘設施行 一合用上香炭火及禮畢掌管焚祝幣燎草火燭等並乞從禪祭都大主管所行下諸司預行排辦施行 一合差撻簾侍香供進盤匱悅巾

捧爵幣祝版執燭受爵幣等內侍官並乞下入內內侍省差官 一禮儀使行事官前導官並各前一日齋宿於本司陪位親王宗室使相南班宗室各前一日宿齋於宗學及踏逐於寺院內親王於本廳宿齋所有前項官宿齋去合處用幕次椅卓什物等並乞令臨安府同儀鸞司釘設排辦施行 一所有合用禮料祭器牙床祇應人及般擎祭器等兵士乞從太常寺依例具合用數并人姓名關報所屬照會至日放令入出排辦施行 一合用禮料酒齋蠟燭燎草藉祭器席等並乞從太常寺依例具數報臨安府排辦 一合用擡擎祭器禮料兵級一十五人節級一名乞下殿前司差撥於行禮前五日到事畢發遣 一

禪祭日文武百僚赴仙林普濟院行香合用牌位就用大祥位牌外所有合用供養倚卓黃羅綠搭席座子卓圓幄次花瓶麻爐供養素食花果茶并茶盞託上香炭奠火茶孟子鈔鐸盆臺燭臺蠟燭湯瓶手爐并合差僧道及功德疏行香香圓子等并侍班幕次炭火拜席褥等並乞依大祥禮創令臨安府同儀鸞司前期計會太常寺排辦釘設施行詔依

十二月十五日禮部太常寺言勘會十二月三十日高宗聖神武文憲孝皇帝禪除日今叅酌禮例下項一檢會國朝典故禪祭後至晦日而除前一日不坐其日不視事文武百僚進名奉慰訖詣佛寺行香所有將來十二月三十禪除欲乞依前項故事施行

是日宰執率文武百僚詣宮華宮立班進名奉慰壽  
聖皇太后至尊壽皇聖帝壽成皇后訖退詣仙林普  
濟院以俟立班行禮香如忌辰儀訖退 一合用御  
封降真香一合 一依禮創行香合用高宗聖神武  
文憲孝皇帝位牌帊帶全除位牌就用大祥位牌外  
所有合用供養倚卓搭席座子卓圍帷次花瓶麻爐  
供養素食花果并茶盞托上香炭火奠茶盃子鈔鏤  
盆臺燭臺蠟燭湯瓶手爐并合差僧道功德疏行香  
香圓子等并侍班幕次燈燭炭火拜席褥等並令臨  
安府同儀鸞司前期排辦釘設施行仍令臨安府專  
委官及差衙前管幹候行香畢所有位牌黃帊功德  
疏乞令臨安府委通判一員就仙普濟院內監視焚

燒位牌等紙五十束柴草各一束乞令臨安府所差  
衛前廳辦施行詔依

### 禪祭行禮儀

其日夙興太常入陳祭器供設禮饌次引進幣爵酒  
讀祝文酌酒官執燭等官先升殿各就位立次禮直  
官引禮儀使陪位親王宗室使相南班宗室各入就  
位立定禮直官太常博士太常卿於幄前立定俟至  
尊壽皇聖帝自宮服祥服詣禪祭行禮殿側御幄簾  
降至尊壽皇聖帝舉哭俟哭止釋祥服禪服素紗軟  
幘頭淺色黃羅袍黑銀帶訖次禮直官太常博士引  
太常卿當幄前俛伏跪奏稱太常卿臣某言請至尊  
壽皇聖帝為高宗聖神武文顯孝皇帝行禪祭之禮

奏訖俛伏退興復位簾捲前導官前導至尊壽皇出  
幄詣殿上褥位西向立奏請拜至尊壽皇聖帝再拜  
在位官皆再拜訖內侍各執盤匱帨巾以進奏請至  
尊壽皇聖帝盥手內侍進盤匱沃水至尊壽皇聖帝  
盥手內侍進巾奏請帨手至尊壽皇聖帝帨手訖內  
侍進爵沃水奏請至尊壽皇聖帝洗爵內侍進巾奏  
請拭爵至尊壽皇聖帝拭爵訖前導官前導至尊壽  
皇聖帝詣高宗聖神武文憲孝皇帝褥位前立奏請  
跪上香再上香三上香進幣爵酒官搢笏跪先進幣  
次進爵酒又奏請受幣奠<sup>幣</sup>執爵三祭酒於茅苴奠爵  
俛伏興奏請少立讀祝文官搢笏跪讀祝文訖奏請  
舉哭拜至尊壽皇聖帝舉哭再拜在位官皆舉哭再

拜訖哭止前導官前導至尊壽皇聖帝還禔位西向  
立奏請拜至尊壽皇聖帝再拜在位官皆再拜訖前  
導官前導至尊壽皇聖帝歸幄簾降次禮直官太常  
博士引太常卿當幄前俛伏跪奏稱太常卿臣某言  
禮畢奏訖俛伏興退復位簾捲至尊壽皇聖帝出幄  
還宮次前導官陪位官退次引禮儀使執事官詣望  
燎位立俟焚燎祝幣訖以俟奉慰并赴仙林普濟院  
立班行香訖退

中興禮書第七十六卷

凶禮四十二

永思陵四十二

釋服

淳熙十四年十月二十六日禮部太常寺言勘會今  
未大行太上皇帝升遐已降指揮御前禁衛行門班  
直親從快行親事輦官等自成服日前並服青紫或  
褐衫帶子至釋服日前並依舊自成服日至釋服日  
前如遇朝殿亦服青紫或褐衫帶子并自成服日至  
釋服日前所有輦輿并御龍直執打從物等權行用  
淺黃色色裏及依典故將來皇帝聽政在祥禫內羣  
臣更不易服至禫服畢文武百官有繫金玉帶及佩



魚者并易以黑帶仍去魚其乘花繡韞絨座者并易以阜韞侯祔廟畢引降指揮契勘今年十一月四日禪除畢緣百官服常服黑帶其前項禁衛等所服紫衫黃帶子欲乞侯將來祔畢別降指揮所有輦輿并執打從物等見用淺黃色色裏一節伏乞朝廷取旨施行詔並候祔廟畢取旨

十六年二月二日禮部言二月二日皇太子即位宰執率文武百僚起居稱賀宰執升殿奏事畢新皇帝興放仗次皇帝陛下常服後殿坐新皇帝侍立引應奉導駕官起居訖相繼登輦同詣重華宮臣僚依舊導從俟新皇帝回宮導從如常儀其從衛及官吏服飾鞍韞帶佩並純吉詔令有司照會施行

八月十二日禮部太常寺言今條具下項 一檢照

紹興八年十二月十七日禮部太常寺將來正月二十  
十五日徽宗皇帝大祥依永定陵故事大祥日釋衰  
服服祥服係服素紗軟脚幘頭白羅袍黑銀帶至禫  
終日釋祥服服禫服係服素紗軟脚幘頭淺色黃羅  
袍黑銀帶所有今來高宗皇帝大祥日并禫祭日並  
尊壽皇聖帝所服欲乞依上件典禮施行 一檢照  
國朝天聖二年正月十六日太常寺禮院官按禮祭  
服幣則焚之哀裳亦當宜焚也今請大祥日皇帝皇  
太后真宗內六宮人哀裳經杖並焚之及紹興八年  
十二月十七日禮部太常寺言徽宗皇帝大祥至日  
候釋哀服訖所有哀服依故例差內侍官一員拘收

於利方監視焚燒所有今來高宗皇帝大祥日壽聖  
皇太后至尊壽皇聖帝壽成皇后并高宗皇帝几筵  
殿宮人所服欲乞依前項禮例差官於利方監視焚  
燒詔依

請舉樂

淳熙十六年十一月二十五日禮部太常寺言今具下  
項 一國朝典故從吉日宰執率文武百僚拜表請  
舉樂降詔允日遇宴作樂 一國朝故祔廟畢民庶  
聞樂昨降指揮高宗皇帝祔廟畢民間合候百官純  
吉服日方許開樂今來宰執并百僚自二月二日並  
已純吉服 一恭親至尊壽皇聖帝躬行三年之喪  
係於十二月十七日行禫祭禮至三十日除禫皇帝

亦未舉樂即與國朝典故事體不同所有民庶開樂  
比之祔廟典故及迎降候百官純吉服指揮已合施  
行今指定欲乞十二月十七日禪祭行禮畢自十二  
月十八日民庶樂開外今來已降指揮來年正月十  
一日奉上尊號冊寶合設宮架樂并合用導引鼓吹  
若依典故係從吉後拜表請舉樂今欲乞朝廷詳酌  
施行 一所有將來拜表係從朝廷定日宰執率文  
武百僚詣東上閤門拜表請皇帝舉樂所有重華宮  
受冊聽樂之候今降指揮下日別行條具申請朝廷  
指揮施行詔依

十二月八日禮部太常寺言準批下為拜表自來年  
正月一日因奉上尊號冊寶請皇帝舉樂并拜表請

重華宮受冊聽樂事送禮部太常寺別行條具依典  
故合於從吉後拜表請舉樂照得今來事體即與國  
不同兼今來已降指揮自十二月十八日民庶開樂  
今欲乞於十二月十八日以後從朝廷定日宰執率  
文武百僚先詣東上閣門拜表謝皇帝自來年正月  
一日因奉上尊號冊寶舉樂同日宰執率文武百僚  
詣重華宮拜表請至尊壽皇聖帝聽樂受冊其合用  
表文乞令禮部修撰詔依

十二日太常寺言今開具拜表日分十二月二十日  
欲乞宰執文武百僚先詣東上閣門拜表次詣重華  
宮拜表二十一日宰執文武百僚先詣東上閣門聽  
批答次詣重華宮聽批答如重華宮未先就拜第二

表二十二日宰執文武百僚詣重華宮聽批答如未  
允欲乞朝廷敷奏降指揮用二十三日皇帝率百  
詣重華宮拜表二十四日宰執文武百僚詣大華殿  
聽宣布詔依

十四日尚書省劄子太常寺言勘會已降指揮節文  
十二月二十日拜表請自來年正月一日為奉上尊  
號冊寶舉樂今契勘東上閣門拜表訖合集官詣大  
德殿聽批答重華宮拜表訖合集官詣重華宮聽批  
答所有逐項批答並乞降付閣門閱報集官施行伏  
乞朝廷揮施行右已劄下御史臺閣門從所申事理  
施行外今劄付寺照會施行準此

十六日禮部太常寺言今條具下項 一勘會今未

宰執率文武百僚詣重華宮拜表其表文已降指揮  
合今禮部修撰所有合用批答乞下學士院修撰  
一十二月二十三日皇帝率百僚詣重華宮拜表其  
合用表文乞下學士院前期修撰進書訖降付御藥  
院以俟駕詣重華宮奉表供進俟奉表畢重華宮合  
降詔亦乞令學士院修撰 一欲乞是日皇帝服鞞  
袍自後殿乘輦應從駕臣僚禁衛等起居如常儀以  
俟從駕至重華宮內不係從駕臣僚先詣重華宮門  
外迎駕起居訖先入詣殿門內外立班如值雨霽  
免迎駕起居  
及隨宜於  
廊上立班俟皇帝詣重華宮降輦奉表入宮如宮中  
之儀次報從駕文武官詣殿下立班定揖班首以下  
躬贊者曰拜在位官皆再拜訖退內合赴迎駕起居

官赴却赴逐次以候迎駕奏聖躬萬福內合從駕官  
仍候從駕還內詔依

十八日太常寺言勘會已降指揮十二月二十日宰  
執文武百僚詣東上閣門拜表請舉樂今來文德殿  
隔門外如值雨地面雷溼難以立班又緣東廊上釘  
設百官幕次委有相妨今欲乞於文德殿下五班拜  
表詔依

二十日請皇帝舉樂表春秋重改元法蓋先於五始  
君子不為樂古無越於三年請為王言冀民同樂恭  
維皇帝陛下系隆列聖娛侍三宮綿宇屬心既極謳  
歌之載重華盡孝尚承過密之餘願烈祖之報厚莫  
重焉然文孫之制期已久矣况復高廟即安於神御



壽皇俯和於祥琴下逮都人志除樂禁新王春而建  
號進寶冊以歸尊願飭有司各揚乃職鏘八音而應  
律肅萬舞以充虔仰奉重親益見慈顏之喜下孚眾  
聽普臻和氣之祥批答省表具之朕仰奉慈謀丕揚  
聖孝粵惟備道務必守於禮經爰在續圖敢遽皇於  
樂紀顧中心之祇惕勞列辟之懇祈今將發大冊以  
尊親會新元而歲事冀陳和奏用舉上儀三載四海  
之還音固無踰於吉制六律五聲之在治當俯順於  
羣情所請宜允

同日至尊壽皇聖帝聽樂拜第一表高踏萬乘聿重  
協帝之華躬行三年曲盡慕親之孝矧將陳於冊寶  
盍備舉於樂章爰率具僚仰干淵聽恭維至尊壽皇

聖帝陛下怡神於淡游物之初惟付託之得人宜燕  
頤而養性方且羹牆在念疏素以居既已光舜禹之  
傳乃親為曾閔之行期可久矣必欲加降祥而非齊  
然尚云寧戚顧平時不好世俗之樂豈今日忍聞堂  
上之歌然而和琴俯就於成聲鑽燧再經於改火不  
應慈極尚過諧音伏望酌先王制禮之中念聖子承  
顏之養居處笑語寢寬追遠之思鐘鼓莞絃益教導  
和之美批荅省表具之德之大者思則無窮恩之隆  
者報焉罔極仰惟皇之盛烈實興堯帝而同符凡蒙  
如天之仁舉切望雲之感外薄四海過密八音而况  
荷生育之深思承揖遜之休命務行三年之制用協  
禮經乃釋萬幾之繁以專孝慕甫茲祥禪之云畢寧

忍宮商之遽聞卿等載考舊章備陳來奏顧哀情之未泯詎悅請之可從所請宜不允

二十一日請至尊壽皇聖帝聽樂拜第二表三年執禮已經徒月之期五日受朝當備鈞天之奏援桑章而有請閱俞旨而未頒事恐久稽義須再瀆竊帝舜既命大禹猶欲六律五聲之聞漢皇上壽未央亦以萬歲大笑為樂蓋已應天下之養蓋具舉朝廷之儀若稽舊章允稱盛祭恭惟至尊壽王聖帝陛下道高物表德邁古先既全與子之明尤盡因心之孝謂大宗就簡遽為三十六日之期而晉武欲為莫起數百餘年之陋出於獨新高掩前聞羣臣仰體於聖心薦歲忍形於奏牘迨茲即吉乃敢發端既已過音於

三載之餘正當成歌於十日之後况卜元正之吉將  
新徽號之隆倘非廣奏於和聲何以崇成於禱典恭  
聞南國將騰聽樂之章欽想東朝亦望承顏之樂仰  
祈睿旨俯徇輿情批荅省表具之禮固貴乎適中情  
亦難於驟變是以禪而不樂聖人嘉其合宜祥而遽  
歌君子議其未盡欽想堯慈之如在倏驚羲御之不  
留免循吉制之文盖迨先王之典若衣冠之節寔可  
復常至鐘鼓之音所未遑聽聞封章之當至諒誠懇  
之彌勤惟其隱之吾心而弗安故欲循夫眾志而莫  
獲宜體茲諭勿復有陳所請宜不允

二十三日皇帝率文武百僚請至尊壽皇聖帝聽樂  
表伏以聖人之德何以加仰孝思之曲盡天子之父

尊之至期樂奏之具陳慈尚闕於俞綸取躬數於懇  
 牘竊以三年曠制自漢世而莫行九奏遏音在虞朝  
 而既舉顧執禮必追於隆古宜成聲無越于吉期恭  
 維至尊壽皇聖帝陛下智察人倫愛鍾天性懋揚  
 烈念常軫於羹墻寅薦宗枋時寢深於霜露屬當終  
 制備極純誠祥五日而琴瑟聞往日哲禪徙月而樂  
 宴驗前言肆殫臣子之忱辭祈展庭闈之丕奉伏望  
 聖御垂聰聽溥協輿情張咸池之樂於洞庭用觀道  
 妙受聖皇之冊於興慶益封壽祺允誥性適道真方  
 以冲虛澹泊為貴心存孝慕忍聞鏗鏘節奏之和比  
 百辟之輸忠貢累章而有請願遵徙月之制復舉在  
 庭之音情所未安諭言已悉乃今吾子親率朝紳謂

典冊之將行據禮經而申述懇勤備罄欽愛有加勉  
深誠姑抑素志

中興禮書續編第七十七卷

凶禮四十三

永思陵四十三

塑製奉安神御一

淳熙十六年七月二日禮部太常寺言勘會今來高宗聖神武文憲孝皇帝大祥前依禮例差官主管塑製神御於大祥後迎奉神御赴景靈宮并萬壽觀安奉及合塑製憲節皇后神御一就迎奉赴景靈宮安奉今具下項 一合塑製高宗聖神武文憲孝皇帝神御三位今欲乞依景靈宮并萬壽觀見安奉會聖宮啟運宮徽宗皇帝神御體式制度塑製并合塑製憲節皇后神御一位今欲乞依景靈宮見安奉顯仁

皇后神御體式制度塑製仍乞令所差塑製官一面會問逐處體式制度施行 一將來安奉高宗聖神武文憲孝皇帝神御三位其次序內一位於景靈宮欽宗皇帝神御之次安奉內會聖宮啟運宮二位依禮例權於萬壽觀欽宗皇帝神御之次所有安奉憲節皇后神御次序合於景靈宮顯仁皇后神御之次奉安其安奉帳座等事件乞令景靈宮主管所並萬壽觀預行措置施行 一將來安奉高宗聖神武文憲皇帝神御三位各合用香案香爐匙合花瓶黃羅繖扇黃絹油雨繖等乞令塑製神御所一面會問景靈宮萬壽觀依昨塑製欽宗皇帝神御下名件施製造施行 一將來安奉憲節皇后神御一位合用腰



興香案香爐匙合花瓶紅爐繖扇紅絹油雨繖等乞  
令塑製神御所一面會問景靈宮依昨塑製顯仁皇  
后神御下名件製造施行 一依故事於大祥前差  
入內內侍省省官一員充都大主管塑製神御于大  
祥後擇日迎奉赴景靈宮安奉所有今來塑製高宗  
聖神武文憲孝皇帝神御三位憲節皇后神御一位  
乞依禮例降勅差入內內侍省省官一員充都大主  
管所有塑製去處乞令所差塑製官取旨施行詔依  
四日塑製高宗聖神武文憲孝皇帝憲節皇后神御  
都大主管所言契勘昨來塑製徽宗皇帝神御三位  
顯恭皇后神御一位顯肅皇后神御一位並昨塑製  
顯仁皇后神御及欽宗皇帝神御並係於中內儀鸞

聖製今來聖製高宗聖神武文憲皇帝神御三位憲  
節皇后神御一位所有聖製去處詔依例于儀鸞司  
聖製

同日入內內侍省押班李裕文言準勅差聖製高宗  
聖神武文憲孝皇帝憲孝皇后神御都大主管所有  
其餘應于合行事件差取人物等欲乞並依昨聖製  
徽宗皇帝顯恭皇后顯肅皇后神御前後已得指揮  
體例施數內提轄造作生活官合差四員今乞減一  
員內監官合差二員乞今減一員催促趕辦事務使  
臣合差四員今乞減一員主管文字使臣合差十一  
人今乞減五人書寫奏報文字合差五人今乞減二  
人禮直官合差四人今乞減二人投送文字親事官

合差六人乞令減二人詔依

八日禮部太常寺言勘會已降指揮塑製高宗聖神  
武文憲孝皇帝神御三位依景靈宮並萬壽觀見安  
奉會聖宮啟運宮徽宗皇帝神御體式製度塑製并  
合塑製憲節皇后神御一位依景靈宮見安奉顯仁  
皇后神御體式制度塑製今檢照紹興九年塑製徽  
宗皇帝順恭皇后顯肅皇后神御係會到景靈宮奉  
安神宗皇帝哲宗皇帝神御並係漆塑戴幘頭寬袖  
淡黃服底現紅銷金領袖塑出紅鞵作素玉帶黑鞵  
尖白底通袖不現手欽聖憲肅皇后昭懷皇后神御  
並係漆塑首飾花環六插冠並用假珠子結團青雉  
朱衣履革帶內會聖宮啟運宮神宗皇帝哲宗皇帝

神御係以漆胎彩繪裝塑頂通天冠服絳紗袍方心  
曲領環佩朱履等並如禮制執玉圭坐龍椅所有今  
來塑製高宗聖神武文憲孝皇帝憲節皇后神御欲  
乞並依上件禮制施行詔依

二十八日塑製高宗聖神武文憲孝皇帝憲節皇后  
神御都大主管所言據塑製神御所申太史樂中道  
等狀契勘將來塑製神聖武文憲孝皇帝憲節皇后  
神御取土并水草去處故創合行祭告五方五帝太  
歲帝君后土諸神合用神位套子二十四箇位牌二  
十四个香茶酒果各二十四分金紙六束白紙一十  
八束雲馬二十四疋鎮壇綵一十五疋鎮壇錢一十  
五貫淨水銀碗五隻每隻各重三兩淨席五領故創

內銀絹錢係戶部支給其餘物色並令臨安府排辦  
應副禮畢內鎮壇錢絹銀杭並給付尅擇禮直官詔  
依

九月二十一日塑製高宗神聖武文憲孝皇帝憲節  
皇后神御都大主管所言契勘今來塑製神御其禮  
制法式尋會得景靈宮萬壽觀開具到見今安奉神  
御禮制法式名件遂行太常寺禮直官指定去後今  
指定欲依見今安奉徽宗皇帝顯仁皇后神御式體  
制度製造施行今來本所彩畫到依徽宗皇帝顯恭  
皇后顯肅皇后神御頭冠法服等草樣欲乞送太常  
寺逐一看祥訖依樣塑製詔依

十月二十三日禮部太常寺言勘會將來迎奉高宗

神聖武文憲孝皇帝神御憲節皇后神御詣射殿權  
奉安並正奉安日迎奉赴景靈宮萬壽觀奉安今依  
禮參酌條具下項 一景靈宮正奉安日禮儀使行  
禮並萬壽觀奉安行禮共合用祝文四首 一首述以景靈宮正  
奉安高宗皇帝神御之意一首述以萬壽觀正奉安會聖宮  
后神御之意一首述以權於萬壽觀正奉安會聖宮  
高宗皇帝神御之意一首述以權於萬壽觀正奉安會聖宮  
親正奉安致運宮高宗皇帝神御之意 並合用御  
封降真香四合 一景靈宮萬壽觀奉安合用焚燎  
祝文燎草並上香炭乞令臨安府排辦逐處送納至  
時使供所有焚燎並上香火燭並乞令景靈宮萬壽  
觀排辦禮畢差人灑熄 一權奉安日並前一日諸  
色祇應人並乞經由麗正門和寧門並南北宮門入  
出欲乞各行關報皇城司照會內無勅號之人乞令

所屬官司開具人數保明聞皇城司權給牌號放令  
入出事畢送納內有合經由新置便門人止聞惜牌  
號一告遷詣射殿并奉迎前一日禮儀使行事官  
禮直官贊者職掌並合宿齋幕次及安奉御封香燭  
幕次並乞依例於皇城南宮門裏內藏庫相對東廊  
一帶釘設並合用什物床薦席燈燭等乞令臨安府  
同儀鸞司釘設排辦施行內禮儀司並奉安行禮官  
幕次並乞於皇城司釘設排辦並遇夜殿內外合設  
執盆乞依例從都大主晉所指揮所屬排辦聞皇城  
司差人照管灑熄所有陪位親王宗室使相南班宗  
室乞于麗正門外待漏院或側近寺院致齋內親王  
於本廳宿齋其合用幕次等亦乞令臨安府同儀鸞

司排辦施行 一奉迎正奉安日依禮例合用儀仗  
鼓吹導引排立內細仗二百人乞令兵部差撥所有  
鼓吹合用一百三十一人乞令太常寺依數下殿前  
步軍司差撥雜攢樂人充其教習日分支破食錢及  
修撰導引詞曲等並乞依昨紹興三十二年奉安神  
御申請到指揮體例關報所屬施行內所用細仗鼓  
吹自塑製所迎奉至射殿權奉安處更互排用立過  
夜約出並正奉安日迎奉至景靈宮萬壽觀分差更  
互排立施 一告遷權奉安及正奉安神御並前三  
日奏告景靈宮諸殿聖像神御並萬壽觀會聖宮啟  
運宮神御並各前一日致齋及合用幕次炭火什物  
机盆等並奉安日倍位官待班幕次倚卓乞依令臨



府委通判一員及差衙前二人計會催促排辦所有  
禮儀使并應行事等官幕次乞依例令臨安府同儀  
鸞司於景靈宮並齋殿內外及崇禋館相度釘設排  
辦施行 一告遷神御日若不測雨降合祇脩雨具  
乞依例令臨安府計會都大主管所應辦施行所有  
騎從騎道並祇應人並許施雨具 一正安奉日依  
禮例百司作休務假並次日作歇泊休務假 一迎  
奉正安日依禮例宰執親王使相侍從臺諫兩省官  
禮官閣門官南班宗室騎道禮儀並奉安行禮官騎  
從並陪位官立班係御史臺閣門太常寺告集並贊  
引祇應都大主管官往來照管及景靈宮正奉安日  
合用百官陪位乞從御史臺閣門申請施行 一禮

儀使告遷迎奉神御於射殿權奉安奏告並皇帝酌  
獻行禮及迎奉神御詣景靈宮並萬壽觀正奉安等  
行禮儀注乞從太常寺奏酌修定申請施行詔依

中興禮書續編第七十八卷

凶禮四十四

永思陵四十四

塑製奉安神御二

淳熙十六年十一月四日禮部太常寺言勘會將來  
迎奉高宗聖神武文憲孝皇帝憲節皇后神御詣射  
殿權奉安并正奉安日迎奉赴景靈宮萬壽觀奉安  
今依禮例參酌條具下項 一迎奉日禮儀使奏告  
高宗聖神武文憲孝皇帝神御合用祝文一首述以  
迎奉赴景靈宮萬壽觀奉安之意奏告憲節皇后神御合用祝文一  
首述以景靈宮奉安之意并奏告告遷前一日早晚上香  
及酌獻奉辭等合用御封降真香一十二合 一迎

奉詣景靈宮日時前皇帝詣射殿權奉安神御幄前行酌獻禮并禮儀使自塑製處告遷神御詣射殿權奉安訖早晚上香及迎奉詣景靈宮萬壽觀日時前奏告并逐處正奉安各用供養茶酒果牙盤食香案花瓶麻爐香匙合上香炭蠟燭燎草并焚燎祝文火燭燭臺奠茶酒孟子鈔鐸盆臺茶酒盞注碗湯瓶等并乞令都大主管所前期行下諸司排辦一合用綵結殿子四座乞令都大主管所行下驚儀司同臨安府預先計會排辦施行一合差擎腰輿并香案及執打從物等輦官裝著儀注全乞令都大主管所行下御輦院差撥施行一一自塑製處迎奉神御至權行奉安并迎引詣景靈宮并萬壽觀正奉安逐處

更互排立合用執打從物班直并禁衛親從官等乞  
令都大主管所行下所屬差撥施行所有合用僧道  
各一百人亦乞令都大主管所行下臨安府差撥施  
行一合用權奉安正奉安告遷神御日時乞令太  
史局定還報太常寺申請朝廷指揮施行所有合差  
定時尅擇官二名亦乞令本局差撥赴逐處祇應詔  
依

十一月九日禮部太常寺言檢照國朝典禮合于禪  
祭前迎奉神御赴景靈宮奉安所有將來塑製高宗  
聖神武文憲孝皇帝神御憲節皇后神御一位畢工  
欲乞依上件典禮于禪祭前擇日迎奉赴景靈宮萬  
壽觀奉安今叅酌禮例條具下項一依禮例子正

奉安前一日自塑製處禮儀使告遷神御各用龍倚  
捧遷升腰輿親王宗室使向南班宗室前導神御至  
射殿權奉安處捧遷神御入幄權奉安訖權退禮儀  
使早晚上香親王宗室使相南班宗室陪位正奉安  
日禮儀使先行奏告禮訖次奏請皇帝行酌獻禮畢  
權歸幄次捧遷神御升腰輿訖皇帝出幄步導神御  
出麗正門外奉辭燒香畢權歸幄次奉神御過乘輦  
還內仍乞令都大主管所行下御輦院相度施行所  
有射殿上合設權奉安神御幄次并逐處合用御幄  
并黃羅拜褥奏請紫褥及結縛幕帳門并自射殿門  
外至麗正門外合用露屋乞令儀鸞司同兩浙轉運  
司并臨安府依例預行差人結縛排辦釘設施行

一迎奉神御正奉安日皇帝行酌獻禮依禮例前一日皇帝齋于內殿 一奉安日依禮例皇帝不親事 一依禮例合差禮儀使一員係差宰臣乞降勅差官施行 一萬壽觀奉安會聖宮啟運宮神御合差奉安行禮官一員前一日齋于都堂係宰執乞降勅差官施行 一依禮例合差都大主管官一員係就差塑製都大主管官乞降勅差官施行詔依

十一月十七日禮部太常寺言勘會將來塑製高宗聖神武文憲孝皇帝神御憲節皇后神御畢工已降指揮于景靈宮萬壽觀奉安依禮例合前三日奏告景靈宮諸殿并萬壽觀聖像神御今叅酌條具下項 一奏告合用御封降真香乞從太常寺具合用數

開入內內侍省預先請降 一奏告景靈宮合用青

詞二首 一首奏告聖祖天尊大帝 祝文三首 一首奏

皇帝至欽宗皇帝一首奏告宣仁聖烈皇后至顯仁皇后並

述以迎奉高宗皇帝神御憲節皇后神御赴景靈宮

奉安之意并奏告萬壽觀合用青詞一首 奏告昊天

聖祖天尊大帝 祝文二首 一首奏告會聖宮啟運宮

長生保命天尊 祝文二首 太祖皇帝至欽宗皇帝一

首奏告真宗皇后並述以迎奉高祖皇帝神御權于萬

壽觀奉安之意 一奏告景靈宮聖祖天尊大帝元

天大聖后聖像并萬壽觀前殿昊天玉皇上帝聖祖

天尊大帝長生保命天尊聖像合用蒼幣五段 長一

尺小乞下太府寺行下左藏庫支供 一奏告景靈

宮萬壽觀會聖宮啟運宮聖像神御合用鵝梨法醬



茶果酒果臘燭上香炭燎草等乞依例從太常寺具  
合用數報臨府寺委通判一員及差衙前二人管幹計  
會催促排辦 一奏告行事官乞從太常寺具窠目  
申中書省降勅差官施行詔依

同日又言勘會已降指揮塑製高宗聖神武文憲孝  
皇帝神御三位內一位于景靈宮奉安內會聖宮啟  
運宮二位權于萬壽觀奉安所有憲節皇后神御一  
位于景靈宮奉安今據太史局選到奉安吉日時刻  
下項 一正奉安日宜用十二月十四日巳亥吉告  
遷時宜用其日卯時八刻後乙時吉正奉安時宜用  
其日午時八刻後丁時吉 一正奉安前一日係十  
二月十三日其告遷權奉安時宜用其日卯時八刻

後乙時吉 一所有逐項告遷時刻並依卯時八刻  
後乙時契勘十二月十三日日出在卯正四刻今欲  
乞于前項日麗正和寧門并南北宮門并經由門戶  
並早二刻開即與國音別無妨礙詔依

十一月十八日御史臺言勘會將來迎奉安高宗聖  
武大憲孝皇帝神御憲節皇后神御赴景靈宮奉安  
文臣乞用應釐務不釐務通直郎以上及行在見任  
寺監主簿承務郎以上職事官赴赴陪位立班詔依  
十一月二十八日問門言勘會將來迎奉高宗聖神  
武大憲孝皇帝神御赴景靈宮奉安武臣乞用保義  
郎以上并三衛指揮使員僚赴赴陪位詔班詔依  
十一月二十八日禮部太常寺言勘會將來迎奉高

宗聖神武文憲孝皇帝神御憲節皇后神御詣射殿  
權奉安并正奉安日迎奉赴景靈宮萬壽觀奉安今  
泰酌條具下項 一迎奉神御正奉安日皇帝行酌  
獻禮合差侍臣一員俟內侍酌茶酒畢接盞跪進皇  
帝乞降勅差兩省官充 一行酌獻禮合差前導太  
常卿一員并贊引太常卿太常博士一員乞降勅差  
太常少卿博士充 一禮儀使行奏告并正奉安禮  
合差太祝一員并萬壽觀奉安合差太祝一員并已  
降勅差太常寺官充 一迎奉奉安合差扶侍夾侍  
并捧遷神神御內侍官及掌香火官乞從都大主管  
所相度合用員數報入內內侍省差官所有酌獻行  
禮合差捲簾侍香酌茶酒執燭內侍官乞從入內內

侍省依例差官施行詔依

同日太常寺言勘會十二月十四日迎奉高宗皇帝神御詣景靈宮萬壽觀奉安所有憲節皇后神御詣景靈宮奉安前三日奏告景靈宮萬壽觀今具合差下項 一景靈宮前殿聖祖天尊大帝聖像前奏告官及光祿寺卿奉禮郎太祝太官令各一員後殿元天大聖后聖像前奏告官及光祿卿奉禮郎太祝太官令各一員中殿諸帝神御前奏告官及太祝各一員後殿昭憲皇后至慈聖光獻皇后神御前奏告官及太祝各一員後殿宣仁聖烈皇后至顯仁皇后神御前奏告官及太祝各一員已上奏告官五員並乞差宰執充內光祿卿奉禮郎太祝太官令並乞差侍

從臺諫兩省官卿監郎官太常寺官充前一日赴景  
靈宮宿齋至日行禮畢退 一萬壽觀昊天玉皇上  
帝至長生保命天尊位前奏告官及奉禮郎太祝太  
官令各一員太祖皇帝至欽宗皇帝神御前奏告及  
太祝各一員真宗皇帝至溫成皇后神御前奏告官  
及太祝各一員已上奏告官三員並乞差宰執或侍  
從官充內奉禮郎太祝太官令並乞差侍從臺諫兩  
省官太常寺官充前一日赴萬壽觀宿齋至日行事  
畢退 一所有十二月十一日奏告景靈宮行禮畢  
內有行事官祇應人合赴赴臘前一日祭太社太稷  
等處省饌致齋行事欲乞至日奏告行禮畢早開景  
靈宮櫺星門俟行事官祇應人出絕却行鎖閉詔依

十二月八日詔今月十四日迎奉高宗皇帝憲節皇后神御詣景靈宮奉安今正任觀察司使已上并管軍赴赴陪位騎導

中興禮書續編第七十九卷

山禮四十五

永思陵四十五

塑制奉安神御三

淳熙十六年十一月八日禮部太寺<sup>常</sup>言勘會十二月十四日迎奉高宗聖神武文憲皇孝帝憲節皇后神御詣景靈宮萬壽觀奉安前三日奏告景靈宮諸殿并萬壽觀聖像神御欲乞奏告日依禮例皇帝前後殿不視事詔依

迎奉神御詣景靈宮鼓吹詞

道宮道引

中興揖遜功德仰兼隆仁澤被華戎鼎湖俄痛遺弓

隨如日想威容柔儀懿範興堯同飈馭儼相從靈宮  
真館偕來燕垂裕永無窮

告遷神御詣射殿權安奉儀

其日禮儀使詣塑製所幕次俟陪位親王宗室使相  
南班宗室詣殿下北相立定禮直官引禮儀使詣高  
宗皇帝憲節皇后神御殿下西向立都大主管官重  
行于禮儀使之後立禮直官立揖躬拜禮儀使再拜  
在位官皆再拜訖禮儀使升殿詣高宗皇帝神御香  
案前播笏三上香執笏降階復位禮直官揖躬拜在  
位官皆再拜訖次引禮儀使升詣禮神御前褥位俛  
伏跪奏稱禮儀使臣某請高宗皇帝憲節皇后神御  
降座升輿詣射殿權安奉奏訖伏興降階復位立都



大主管官往來照管贊者引陪位官分左右立次輦官擎腰輿至殿前輦官權退扶持夾侍捧遷高宗皇帝憲節皇后神御升腰輿訖次輦官擎腰輿以次進行扶持夾侍分左右禮儀使後從都大主管官往來照管陪位官前導儀仗鼓吹振作僧導作法事前引禁衛班直親從官等扈衛至射殿下腰輿權駐禮儀使詣神御前俛伏跪奏稱禮儀使臣某言請高宗皇帝憲節皇后神御升殿降輿升座權安奉奏訖伏興稍東西向立腰輿升殿東階至殿上當中置定輦官權退次扶持夾侍捧遷神御入幄次輦官擎腰輿退禮儀使以下權歸幕次俟有司於高宗皇帝憲節皇后神御幄前排辦供養牙盤酒果香火等畢禁衛班

直親從官等排立儀仗鼓吹僧道更互振作次禮儀使詣高宗皇帝憲節皇后神御香案前早燒香親王宗室陪位俟燒香畢歸以俟晚燒香如儀

禮儀使行奏告禮儀

其日早俟有司于射殿高宗皇帝憲節皇后神御幄前排辦供養牙盤茶食茶酒果香火等畢贊者先引太祝詣殿下北向立都大主管官徃來照管禮值官引禮儀使詣殿東下之東西向立禮直揖躬拜在位官皆再拜訖次引太祝升詣高宗皇帝神御幄前之西東向立禮直官引禮儀使升詣高宗皇帝神御香案前揖笏三上香跪奠茶三奠酒執笏俛伏興少立太祝揖笏跪讀祝文訖執笏興先詣憲節皇后神御

幄前之西東向立禮儀使再拜訖次詣憲節皇后神  
御香案前行禮並如上儀訖俱降復位次引禮儀使  
詣望燎位南向立太祝位於其後焚祝版訖權退歸  
幕次

皇帝行酌獻禮并麗正門外奉饌及禮儀使  
詣景靈宮正奉安儀

其日俟禮儀使行奏告禮畢儀仗鼓吹僧道權退於  
麗正門外排立以俟奉迎有司排辦酌獻牙盤食茶  
酒果香火等畢禮直官引侍從詣高宗皇帝神御前  
香案之東西向立禮直官引太常博士太常卿詣御  
幄前立次御史臺閣門太常寺分引宰執親王使相  
侍從臺諫兩省官閣門官禮官南班宗室詣殿下北

向立定皇帝自內服鞞袍詣御幄簾降少頃引太常卿當幄前俛伏跪奏稱太常卿臣某言請皇帝行酌獻之禮奏俛伏興復位簾卷前導官前導皇帝出幄詣殿上之東褥西位向立奏請拜皇帝再拜興儀曰拜贊者承傳曰再拜在位官皆再拜訖前導官前導皇帝詣高宗皇帝神御香案前奏請上香再上香三上香內侍以茶酒授侍臣侍臣西向跪以進又奏請皇帝跪奠茶三奠酒訖奏請皇帝俛伏興又奏請拜皇帝再拜興儀曰拜贊者承傳曰再拜在位官皆再拜前導官前導皇帝詣憲節皇后神御香案前行禮並如上儀訖前導官前導皇帝歸御幄簾降前導官於幄前少立禮儀使升詣殿上西向立陪位官權正

於麗正門外幕次以俟騎導次輦官擎腰輿升殿置  
定輦官權退赴擇官報告遷時及引禮儀使詣神御  
前俛伏跪奏稱禮儀使臣某言請高宗皇帝憲節皇  
后神御降座升輿赴景靈宮萬壽觀奉安奏訖伏興  
降階稍西東向立扶持夾侍捧遷神御升腰輿都大主  
管官往來照管次引禮儀使於麗正門外以俟騎從  
次輦官升殿捧擎腰輿次太常卿當帷前俛伏跪奏  
稱太常卿臣某言請皇帝前導神御進發奏訖伏興復  
位立簾捲前導官前導皇帝出帷詣神御腰輿前  
導神御次輦官擎腰輿降西階進行禁衛班直親從  
官等扈衛扶持夾侍分左右前導官導皇帝前導神  
御出麗正門外少駐俟置定腰輿輦官權退前導官

前導皇入御幄簾降有司排辦香案香火等畢太常卿當幄前俛伏跪奏稱太常卿臣某言請皇帝行奉辭之禮奏訖伏興復位簾捲捧前導官導皇帝出幄詣高宗皇帝神御香案前禮直官奏請拜皇帝再拜訖又奏請上香再上香三上香訖又奏請皇帝再拜訖前導官導皇帝詣憲節皇后神御香案前行禮如上儀訖前導官導皇帝歸御幄簾降太常卿當幄前俛伏跪奏稱太常卿臣某言禮畢奏訖伏興復位少立前導官退次輦官捧擎神御腰輿進行皇帝乘輦還內如常儀次宰執親王使相待從臺諫省官閤門官禮直官南班宗室分左右騎導禮儀使并奉安行禮官騎從都大主管官往來照管禁衛班直親從官

等扈衛儀仗鼓吹振作僧道作法事前引將至景靈

宮櫺星門外陪位文武百官奉迎再拜內萬壽觀神

壽觀門外行事奉迎拜訖權退騎導官下馬步導如

兩降陪位文武百官免迎拜導官禮儀使從後都

大主管官往來照管神御入大興殿門經由東廊高

宗皇帝神御至中殿下憲節皇后神御至後殿下步

導官權退歸幕次內奉安萬壽觀門外下馬行禮官騎從

以供奉禮詣儀仗鼓吹僧道並權止輦官權退次引禮

儀使詣殿中下高宗皇帝神御腰輿前挽伏跪奏稱

禮儀使臣某言請高宗皇帝神御升殿降輿升座權

奉安奏訖伏興詣殿下西向立次輦官擎腰輿升東

階詣殿上置定次輦官退扶持捧遷神御升側座權

奉安訖次輦官升殿擎腰輿退次引礼仪使詣後殿  
下憲節皇后神御腰輿前俛伏跪奏稱禮儀使臣某  
言請憲節皇后神御升殿降輿升座權安奏訖伏興  
詣殿下西向立次輦官擎腰輿升東階詣殿上置定  
次輦官退扶持夾侍捧遷神御升側座權安訖次輦  
官升殿擎腰輿退礼仪使權歸幕次禁衛班直親從  
官儀仗僧道於中後殿更互排立俟奉安時前有司  
排辦香火等畢儀仗僧道並退禁衛班直親從官仍  
舊排立次輦者先引太祝入詣中殿下再拜訖升殿  
詣高宗皇帝神御香案之西東向立御史臺閣門太  
常寺分引礼仪使宰執親王使相寺從臺諫兩省官  
閣門官礼官南班宗室并陪位文武百官入詣天興



殿下再拜訖次詣中殿下并東西兩廊隨宜就位立  
各再拜訖次引都大主管官升殿往來照管次引礼  
儀使升殿詣高宗皇帝神御香案之東面向立定俟  
尅擇官報時及引礼儀使詣香案前俛伏跪奏稱礼儀  
使臣某言請高宗皇帝神御升正座奉安奏訖伏興  
退詣香案前之東面向立俟有司遷正座訖次引礼  
儀使都大主管官降東側階詣後殿次引礼儀使詣  
憲節皇后神御香案前俛伏跪奏稱礼儀使臣某言  
請憲節皇后神御升正座奉安奏訖伏興退詣香案  
之東面向立俟有司遷正座訖次引礼儀使降階詣  
詣中殿下北向立禮直官揖躬拜禮儀使再拜在位  
官皆再拜訖次引禮儀使升殿詣高宗皇帝神御香

案前拈筭三上香跪奠茶三奠酒執筭俛伏興少立  
太祝拈筭跪讀祝文訖執筭興少退立禮儀使再拜  
訖降階復位立禮直官揖躬拜禮儀使再拜在位官  
皆再拜訖引禮儀使詣望燎位次引太祝降階詣望  
燎位重行於禮儀使之後立有司焚祝版訖引太祝  
先詣後殿再拜訖升詣憲節皇后神御香案之西東  
向立次御史臺閣門太常寺分引禮儀使宰執親王  
使相待從臺諫兩省官閣門官禮官南班宗室并陪  
位文武百官詣後殿下并東西兩廊隨宜各就位立  
再拜訖次引禮儀使行奉安之禮如中殿之儀訖次  
引禮儀使以下并陪位官班退禁衛班直親從官以  
次退

奉安行禮官詣萬壽觀正奉安儀

其日迎奉高宗皇帝神御將至萬壽觀門行事官等

奉迎

事如不測雨降行

侯神御入萬壽觀行事官等權

退內奉安行禮官後從經由南廊至後殿下儀仗鼓

吹僧道並權止輦官權退次引奉安行禮官詣神御

腰輿前俛伏跪奏稱禮儀奉安行禮官臣某言請高

宗皇帝神御升殿降輿升座權安奉訖伏興詣殿下

南向立次輦官攀腰輿升詣殿上置定次輦官退扶

侍夾侍捧遷神御升側座權奉安訖次輦官升殿攀

腰退奉安行禮官權歸幕次禁衛班直親從官儀仗

僧道更互排立俟奉安時前有司排辦香火等畢儀

仗僧道並退禁衛班直親從官仍舊排立次引奉安

行礼官太常祝入詣前殿下再拜訖次詣後殿下立引奉安行礼官升殿南向立俟尅擇官報時及引奉安行礼官詣香案前俛伏跪奏稱奉安行礼官臣某言靖高宗皇帝神御升正座奉安奏訖伏興退詣香案之北南向立俟有司遷正座訖引奉安行礼官降階詣殿下立礼直官稱躬拜奉安行礼官再拜在位官皆再拜訖引太祝升殿立定次引奉安行礼升殿詣會聖宮高宗皇帝神御香案前搢笏三上香跪奠茶三奠酒執笏俛伏興少立太祝搢笏跪讀祝文訖執笏興奉安行礼官再拜訖次詣啟運宮高宗皇帝神御前上香奠茶酒讀祝文行礼並如上儀訖降階復位立礼直官稱躬拜奉安行礼官再拜在位官

皆再拜訖引奉安行禮官詣望燎位次引太祝詣望燎位重行立有司焚祝版訖奉安行禮官以下班退禁衛班直親從官以次退

雜錄

淳熙十五年三月七日禮部言準批下橋道頓遞司使申高宗聖神武文憲孝皇帝梓宮渡江將西興浦口寧濟廟侯梓宮濟渡一行安靜事畢檢舉特賜加封仍令漕司應副添修本廟所有其餘經歷神祠亦令有司討論例故施行後批送部看詳尋下太常寺看詳欲並依本官所乞侯將來梓宮宮濟渡一行安靜欲令兩浙轉運司保明申朝廷行下本寺擬封施行詔依

四月六日檢察宮陵所言據昭慈永祐陵攢官司申對北緯楔門外有土地廟一所自紹興元年因昭慈聖憲皇后上仙太史局官選此地忽遭一老人指引自謂久居此處遂卜得見今攢宮地段後欲尋覓其人不見因此建廟紹興十三年修奉永祐陵攢宮修奉都護楊存中鈐轄衛茂實祈禱於廟果獲感應遂號顯靈土地紹興二十九年修奉顯仁皇后攢宮修奉使就廟卜問神穴土色後獲感應其土紫色盡稱獻土大王因此廣其廟宇自後遞年如遇修奉上下宮殿宇爪札鷹架易柱換梁斫伐枯損窠木官吏工匠等詣本廟祈禱志賴保護皆獲無虞往年禁地內林木亦為多有毛蟲食其木葉以致窠木並皆枯

損兩宮都監詣廟祈禱其毛虫盡化作飛蛾而去次  
後又有鴻鶴羣數至盛於林木之上做成窠巢撓下  
腥穢逼近殿宇雖令鋪兵趕逐至晚復聚人力所不  
能及兩宮都監亦詣廟庭祝禱其紅鶴盡去及兩宮  
官吏軍民如遇有不測病患若詣祈禱即獲全安遇  
旱澇一方祈禱雨暘應時逐項事狀響應分明衛護  
陵寢委是顯著即未蒙封賜勅額兼昨來紹興二十  
九年顯仁皇后梓宮到來沿路經過去處廟貌並蒙  
加恩緣其時失於申請遂致延遲至今未霑恩霈今  
未修奉聖神武文憲孝皇帝攢宮皇堂神穴土色紫  
潤並水石及修奉一行工役無虞今來兩宮欲乞從  
使司指揮脩錄奏聞特賜推恩封勅廟額施行詔依

五月十三日尚書左司郎中王正已言臣輒以已見採撫事實撰成皇帝聖德孝感記伏乞睿慈降付史館伏候勅旨仍連王正已撰到皇帝聖德孝感記詔依

皇帝聖德孝感記

臣仰惟高宗聖神武文憲孝皇帝誕受天命紹開中興因時制宜繼好息民海內安靜功成不居傳授聖子陛下繼志述事盛德日新以天下養者二十又六年洎駕雲太清陛下哀慕罔極正厯代之失復三年之制羣臣懇祈莫回聖意固已冠絕今古乃三月甲寅靈駕發引先是數日雲陰四垂時雨間作渾淖沒足行者病之壬子晦冥益甚癸丑之夕載陰載陽四



鼓既作天宇澄霽望舒開明星宿清潤乾端坤倪呈  
露無蘊遣奠礼成龍輶不濡大昇安行仗衛儀物肅  
陳嚴辨舒舒而前行列整暇登舟渡江潮波不驚祥  
風瑞烟助以安濟波神川后髣髴畢出駿奔翊衛咸  
効厥職施師奏功如履平陸洎至陵所人不告勞自  
時厥後凡大典禮曰暘而暘巧相附會臣工執事進  
趨恭肅登降唯謹畧無沾服失容之患億兆臣民踴  
躍贊嘆得未曾有傳之裔夷畏威歸命臣竊聞之莫  
之為而為者天也夫風雨晦明豈繫人謀所能力致  
凡陛下志之所向無不景從所謂先天而弗違者得  
非陛下聖孝上通神明威格之明効歟臣濫與朝列  
親逢盛典雖不學無文亦知所以歸美之報而繪畫

天地模寫日月無益於廣大高明然區區之忠自不能已臣不勝至願願降睿旨宣付史館以昭世無極謹拜撫其實而為之記淳熙十五年四月二十九日朝散大夫尚書左司郎中臣王正記謹記

六月二十八日知成都府趙汝愚奏四月十一日據通判成州成繪稱得阜郊報秦州數日前皆載紙帽初疑北方有故既而探問子細乃是為本朝太上皇帝升遐臣服臣等仰惟大行太上皇帝厚德深仁兼愛南北承諱之日四海崩摧彼中原雖遺黎久淪異域而不忘哀慕如此臣無任感歎摧傷之至欲望聖慈宣付史館以傳萬世詔依

中興禮書續編第八十卷

凶禮四十六

永思陵四十六

忌辰

淳熙九年四月十五日太常少卿余端禮劄子勘會  
每遇祖宗帝后忌辰宰執率文武百官詣景靈宮行  
香臨安府差僧道各二十五員赴宮排立受香宣讀  
文疏齋僧道各二十五員看金剛經二十五卷道  
士看靈寶度人經二十五卷自紹興初間凡遇帝后  
忌辰就法惠寺行香所差僧道各二十五員臨安府  
各支齋錢一百文省僧就法惠寺看經道士就天慶  
觀看經散自紹興十三年內建立景靈宮之後其錢

並不曾支請每遇行香退各歸寺觀看經訪聞所差  
僧道各歸寺觀未必盡讀經卷疏文遂成虛設今乞  
行下臨安府自今後每遇帝后忌辰行香支僧道看  
經齋錢每人一百文省責赴僧道正司椿管至行香  
畢令僧道正司赴景靈宮門外天興等殿道院看經  
讀訖即時依散齋錢庶幾仰奉朝廷嚴恭追奉之意  
伏乞詳酌指揮右劄下從所乞事理施行

十月五日勅中書門下省臣僚上言臣恭維國家  
有朝泰之禮以肅昕建有行香之礼以嚴宗廟是皆  
臣子之所不可廢非特為繁文以示觀美而已臣竊  
見比來每遇朝叅及行香日分合赴官類多託疾在  
告或假他故以免夙興拜跪之勞偷惰偃蹇習以成

風班列蕭疎甚不稱陛下所以肅听嚴宗廟之意且  
身為臣子若真有疾自應請詞丐外亦可以養疴之  
故而遂廢礼乎彼誠有疾者猶不可而况臨期託疾  
或假他故顯然飾詞迹涉詐妄其為不恭又孰甚焉  
臣契勘本臺覺察今應六叅及釐務望叅官請假連  
三次一歲通計五六次者聞奏與外任差遣又朝晏  
日稱疾不赴牒內侍省押醫診視不實者彈奏防檢  
之意非不嚴切然而玩習既久徒為虛文如行香合  
赴官一百二十餘員而託疾多規免者多或至四五  
十員其間有實病之人雖當勉強入局至朝叅之類  
不能赴赴却乃引疾旋投假牒撥之于義其果安乎  
欲望聖慈特下臣章申儆庶位今後如遇朝叅及行

香日猶有依前稱疾托故不赴者從本臺覈實彈奏  
乞寘典憲庶使縉紳之士各務恭肅少革偷惰之風  
誠治世之先務也詔依

十三年四月十三日敷文閣待制洪邁劄子奏臣嘗  
謂宗廟之間以敬為主故清肅之頌曰肅雍顯相大  
雅之詩曰肅肅在廟苟無肅敬之容則怠慢之心生  
矣竊見當時國忌百官詣景靈宮陪位行香從者盈  
塞于前至不容行步四孟親享在列之臣不多而所  
謂親事官之徒喧噪推軋雖其主人亦所厭惡而迫  
于衆莫肯有言臣愚欲望聖慈特降睿旨除宰執使  
相外今後百官入景靈宮櫺星門其從人帶入宮門  
勅號方得隨直讒及中門即退不得踰闕使百官雍

容秉笏以次而前仰稱陛下昭事祖宗之意臣不勝至願詔依

十五年正月十二日皇太子宮左右庶子言勘會將皇孫英國公今來赴赴朝叅如遇忌辰景靈宮行香等緣經隔麗正等處門戶竊恐赴赴不及欲乞下閤門等處詔會詔遇忌辰行香權免赴赴

七月十四日禮部太常寺言準批下秘書省扶據太史局申勘會淳熙十六年己酉歲頒賜歷日及民庶歷日已行箋注所有十月八日高宗皇帝忌辰未審歷日內合與不合箋注後批送禮部太常寺勘當今檢照國朝故事大祥後次年合箋注立忌所有將來高宗皇帝箋注立忌合依前項禮例于淳熙十七年

歷日內箋注忌辰詔依

高宗皇帝疏文八月初具位十月初八日高宗受命

中興全功至德聖仁武文昭仁憲孝皇帝忌辰謹率

文武百僚詣景靈宮齋僧二十五人看金剛經般若

經二十五卷齋道士二十五人看靈寶度人經二十

五卷上資仙界者石伏以五帝不可及莫窺天地之

功四海無能名猶慕聖神之德謹因諱日用闡真乘

高宗皇帝伏願覺性常圓等慈無碍慶流社稷已啟

運于中興福及子孫更垂休于罔極謹疏

憲節皇后六月初二日仙游寢邈懿懿範彌芳因諱日之載

臨歎閔宮而伸薦憲節皇后伏願圓成道果悟解佛

乘超法界于無邊贊皇圖于有永



輟朝

淳熙十二年二月二十六日詔齋安郡主薨輟視朝

一日假三月四日輟朝七月十四日內侍杜戡傳奉聖

旨指揮貴妃蔡氏夢可自十五日十六日特輟視朝  
二日

十三年十二月二十一日太常寺言少師觀文殿大  
學士陳俊卿薨本官曾任宰相依條合輟十二月二  
十二日二十三日輟視朝二日詔依

十四年七月十七日內侍黃澄傳奉聖旨指揮貴妃  
劉氏薨自今月十八日十九日二十日輟視朝三日  
十五年七月二十七日內侍譚堯弼傳奉聖旨指揮  
少傅恩平郡王瑑薨八月三日四日輟視朝二日

詔葬

淳熙十二年正月二十九日詔差入內內侍省都知  
劉慶祖主管榮國婉毅柔惠夫人張氏初葬事

二月二十四日內侍朱堯佐傳奉聖旨指揮太常寺

今月二十四日齊安郡主薨令討論與故施行論今

項一朝一淳熙服初制格為孫之長一太常寺功一五月服一總一條一

麻一右一禮一部一其一特一輟一寺一數一討一定一與一故一依一前一禮一例一差一官一主一管一葬一

成一服一所一有一差一官一主一管一葬一事一合一節一視一朝一旨一施一行一合一舉一哀一

二十八日詔差幹辦御藥院謝安道主管故齊安郡

主初葬七月十六日詔差入內內侍省副都知霍

汝弼主管蔡貴妃葬事

十一月三日詔差幹辦御藥院甘晷主管嘉國惠淑

夫人王氏葬事 十四年五月二十四日詔差辦幹  
辦御藥院閤礼主管寧國夫人王氏葬事

七月十六日詔奉太上皇帝聖旨故劉貴妃主管勅  
葬差提點張宗尹 十五年七月二十七日内侍譚  
堯弼傳宣差内侍押班吳回主管故少傅恩平郡王  
璩勅葬

二十八日詔于祇候庫取貂蟬籠巾七梁額花冠朝  
服一副充賜故少傅恩平郡王璩使用限日下供納  
八月十四日妾王氏贊奏據太常贊引使臣狀申今  
來勅葬故少傅恩平郡王依<sup>休</sup>一品將來出殯日依條  
合差太常博士備牲牢礼料行贈祭之礼妾望望聖  
慈特降指揮依例免行排祭詔依所乞

服紀

淳熙七年七月二十七日礼部符信州玉山縣鄉貢  
進士徐良玉狀父璵故任素州萬載縣丞在日無子  
良玉係本縣信豐鄉進士朱齊所生從乳抱間棄與  
父縣丞為嫡子其朱齊家先有三子各居父縣丞止  
有良玉一男別無兄弟今緣所生朱齊于今年二月  
十六日自故至五月二十八日巳時百日滿去科舉  
尚遠良玉于淳熙服制格合齊哀不杖期未委期親  
尊長喪百日滿合與不合赴試送太常寺指定申今  
檢準下項淳熙户令諸無子孫聽養同宗昭穆相當  
者為子孫諸以子孫或同居總麻以上親與人若遺  
棄雖異姓三歲以下並聽收養即從其姓各不在取

認之限聽養之家申官附籍依親子孫法刑統諸養異姓男者徒一年與者笞五十其遺棄小兒年三歲以下雖異姓收養即從其姓服制格為人後者為其父母齊衰不杖期服制令諸為人後者為其父母申其心喪諸申心喪二十五月滿者與丁憂服闕同勘會在法為人後者為其父母申心喪蓋為同宗昭穆相當之人其遺棄小兒三歲以下雖異姓聽收養從其姓為不知所生者設今徐良玉既自知為朱齊之子于義當申心喪何疑况國家取士先行後藝豈可以一試之故而忘生育之恩合從為人後者為其父母之服格令施行

十三年十一月二十六日礼部符成成都府申迪功郎

新差充榮州州學教授房咸狀照會咸祖父房瀨有三子伯康國係祖母史氏所生父子申叔子中係庶母王氏生所生緣祖父母并叔並各早世今來父叔所生庶母王氏淳熙十三年八月二十一日身亡緣咸在成都府寄居所有咸為之所生庶母合得是何服制具到宗枝乞檢坐修貴憑遵守本府尋送法司具到條格下項石所據受榮州州學教授房咸所申王氏身故本府照得嫡祖母史氏先已身故今來王氏在諸氏為庶母在房咸即為親母既無親子承重欲令解官持服緣法有疑似未敢指定除已備條告示本官外今錄白本官畫出宗枝在前申乞明降指揮行下貴憑遵守仍乞下諸路照會施行送

太常寺言勘會申今檢準下項淳熙令諸喪斬衰齊  
衰三年解官齊衰杖期及祖父母亡嫡子死或無嫡  
子而嫡子兄弟未終喪而亡孫應承重者雖不受服  
及為人後者為其父母若